

西黃丸 附醒消丸

治疔瘡大熱癰毒腫痛立能消散

西黃 叁分

麝香 壹錢五分

乳香

去油

沒藥

去油

黃米飯 各壹兩

搗爛爲丸忌火烘陳酒送叁錢患在上部臨卧服

下部空心服孕婦忌服又醒消丸照前西黃丸加

雄黃五錢去西黃孕婦亦忌

服後卽睡醒卽消故名醒消

琥珀蠟礬丸

治癰疽發背瘡形已成而膿未成之際其人卽不

虛弱恐逼毒入裏服此護膜護心亦且活血解毒
疔毒用菊花壹兩煎湯服

黃蠟 壹兩

白礬 壹兩貳錢 雄黃 壹錢貳分

琥珀

硃砂 各壹錢

白蜜 貳錢

研細將蠟蜜入銅杓溶化離火候蠟四邊稍凝方
入藥末攪勻併作成塊隨近火微烘速作丸如棗
豆大硃砂爲衣食後白湯下二三十九毒重者早
晚服之功效甚捷

護心散



治瘡腫毒不破致毒內攻口渴煩躁惡心嘔吐服此護心解毒並治狗咬

菜豆粉 壹兩

乳香 五錢
去油

硃砂

甘草 各壹錢

燈草炭 叁錢
製法詳上藥性內

共研細末每服貳錢滾水調服早晚兩次徐徐嚥下
令時在胸膈或用甘草壹兩濃煎卽用此湯泛爲丸
每服叁錢重者飲眞麻油眞菜油或白砂糖
叁四兩開水調服如無燈草炭卽用菜豆粉甘草
節硃砂各等分研末開水調服叁錢俟神清接服



醒消丸

石青解毒丸

專治疔毒及一切腫毒

浮水石

石膏

各四錢

青黛

貳兩

共爲末蒸餅丸如芡實大井花水化下或薑湯亦

可按疔發雖或在他經總由心火可服寒涼以折

之用此最宜況石膏攻而能表散青黛解毒散熱

勿以寒涼忌也

如證在下體浮水石宜改用寒水石

治疔毒諸外證臭爛生蛆



用海參爲末摻或皂礬末摻俱化爲水

平安餅

治毒根凸起久不脫落

烏梅肉 壹錢
輕粉 五分

同研至不見粉亮爲止如藥硬難研用津潤之切
勿見水研成膏後量患口大小作薄餅數個貼毒
根外蓋膏藥日易一次俟毒根不痛落下乃止

治鍼刺入肉

有眼者隨氣血走至
心卽死無眼者不走

磁石 五錢
雙杏仁 叁錢
花粉 壹兩



爲末猪油調敷三次或用指甲磨塗鍼口鍼頭卽
出內治以韭菜蠶豆煮食

治鍼傷經絡方

治傷處白膿赤汁交流不止

黃耆 四兩

當歸 壹兩五錢

肉桂

木香

沉香

乳香 各五錢
去油

菡豆粉 四兩

爲末生薑汁煮糊爲丸如桐子大每服四十五丸
白湯送下如走散作腫則用金籬散調敷方用



白芨

白朮

白芷

大黃

各五錢

黃柏

棗頭粉

各三兩

輕粉

五分

研末蜜調厚敷

海馬崩毒法

對口發背眉疔等證初起用之

用熱水自肘後洗至手六經起端處止

在指日端

洗數十遍以泄熱毒務洗至指甲皮穢方可住

洗蓋三陽經俱屬督脈經所領洗至指甲皮穢

俾熱從根本解也此係秘傳不可忽視

追疔奪命湯

姚理堂云平常之疔則用黃連解毒湯或犀角地黃湯若腎疔腫如猪嘴堅硬無膿內外起細頭黃泡作寒作熱神氣不定如仍用黃連等湯勢必走黃百難救一惟追疔奪命湯及雄麝湯方能救治

羌活

獨活

黃連

赤芍

蟬蛻

僵蠶

腳蓮

甘草節

草河車

一名重樓金線



澤蘭

金銀花

細辛
或減半

防風

青皮
各壹錢半

葱
五根

生薑
五片

水煎服蓋被取汗如大便閉結加生大黃有膿加何首烏白芷在腳加木瓜病退以前藥加大黃壹錢瀉一二次以去餘毒此方藥味似乎不切然屢試屢效有刪去細辛用者意謂細辛乃大熱之品疔係火證用之不宜不知細辛最開疔竅且與黃連並用故施之於初起則內消用之於將走黃者



亦甚效經云寒因熱用藥寒而佐以熱俾無拒格
之患此方載於永樂大典宋人急救仙方中
雄麝湯

治已走黃者

紫地丁 貳錢鮮者更妙水洗淨

白芷

牡蠣

牛蒡子

金銀花

僵蠶

黑山梔

荊芥穗

青木香

茜草根 各貳錢
甘草 壹錢生

右共煎好去渣再用雄黃乳香各壹錢麝香貳分



俱各研細末和勻偕前藥同服若大便閉結病人
氣體壯實者加大黃貳錢芒硝壹錢孕婦忌服

黃耆六一湯

治漏孔穿開膿水不絕者

黃耆

六錢

蜜水拌炒

甘草節

壹錢

水煎食遠服十餘劑後膿水自乾

緩脣湯

治頭面疔毒脣疔尤效

紫地丁

壹兩

金銀花

壹兩

桔梗

叁錢



甘草 叁錢

白果肉 貳十枚 知母 叁錢

水煎服已潰者加當歸按是方婺源汪雙池先生
收入醫林纂要謂不甚愜意錢氏鏡湖所著辨證
奇聞言是方治腎疔極效余謂腎疔之毒最烈艱
於飲食且易走黃往往有腐爛而死者初起刺之
擠盡惡血總以瀉毒爲第一妙法瀉毒後再服此
方未嘗不效也

慈礬散

治疔毒及外證初起未成膿者皆效

明礬
叁錢研

葱白
七個

共研爛分作七塊每塊用葱頭煎湯作七次送下
蓋被取汗無汗再用葱頭湯灌之汗出如淋病即
可愈疔不用酒餘證用酒送下更效

丁壬湯

治對口兼治背疽此方有紫黃花二丁又用二活
行太陽經屬壬水故名丁壬并取丁壬化木爲發
生之意

金銀花
叁錢

蒲公英

紫地丁

羌活

獨活

當歸

黃耆

生

甘草

各壹錢
生

防風

五分

若有變證及潰敗而虛則托裏止痛八珍十全諸

方皆可用按是方載於婺源汪雙池先生所輯醫

林纂要余因其分量太輕加重二丁及黃耆甚效

或與三星湯參用潰而陷則與七聖湯參用

加味三星湯

治對口癰疽疔毒等證初起無論陰陽皆可服

金銀花

叁兩

蒲公英

壹兩

赤首烏

貳兩
鮮

甘草 叁錢 生

茄蒂 十四個 白者更佳 夏枯草 四錢 鮮者佳

初起加穿山甲口渴加元參寒熱頭痛加防風前

胡若陽證已破仍以此方治之 茄蒂首烏治對口效見於折肱漫錄

七聖湯

治對口陰證大潰或低陷不能收口者俱效

人參 或用 黨參

黃耆 生

當歸

白朮 各壹兩

金銀花 貳兩

白芥子 叁錢

肉桂 壹錢

連服七八劑必效蓋陽證可以涼瀉而陰證必須

溫補故此方不獨治對口之陰毒也

人參敗毒散

敗毒散

連翹敗毒散

木通敗毒散

荆防敗毒散

治傷寒頭痛憎寒壯熱項強睛暗鼻塞聲重風痰

欬嗽及時氣疫癘嵐瘴鬼瘡或聲如蛙鳴赤眼口

瘡溼毒流注腳腫腮腫喉痺毒痢諸瘡斑疹

人參

羌活

獨活

柴胡

前胡

川芎

枳殼

桔梗

茯苓

各壹錢

甘草

五分

生薑

叁片

薄荷

叁分

口渴舌燥加黃芩腳氣加大黃蒼朮膚癢加蟬退
本方除人參名敗毒散治同加荊芥防風名荊防
敗毒散治時氣風毒邪熱腸風下血風溼去人參
加連翹金銀花名連翹敗毒散治瘡毒加木通名
木通敗毒散治驪龍痘疔此方用人參所以足正
氣而祛外淫也

天葵飲

治足疔

寒水石

滑石

各四兩

歸尾

貳兩